

第九部分 先祖墓图、墓誌

一、茶陵墓图

二、宏妙公墓图契据

三、历代先祖墓图

四、历代先祖墓誌、契据

茶陵譚氏始祖可夾公墓址圖

山素坳真穴正之形圖



(原圖存馬江老虎嶺八修族譜)

谭可奕公陵墓版图

云从山锦屏邱家观峰山枣塆龟形



原图存湖南宜章合修族谱



墓公兴武新的后缮修



墓人夫氏徐兴武新的后缮修



墓公峰进新的后缮修

二〇一五年夏尧溪竹林冲疑似墓地寻墓记

疑似墓地后山



谭春华 谭长来 谭永苟 谭丙珍 谭仲仔 谭初喜

疑似墓地



疑似墓地方案山



寻墓记

纂修通谱的宗旨是联宗、联谊，尊祖敬宗不忘本源。自纂修通谱的筹备工作之日起，就开始着手寻找茶谭各代祖及始祖可奕公墓地，其实早在公元一九九三年，尧溪联星（太平园属地）村谭氏奕训堂裔孙，根据老谱所载，先后找到了三世祖武兴公及夫人徐氏、四世祖进峰公在尧溪蕉坑太平园墓地，小田枧背山三世祖武兴公墓地。参详旧谱记叙可奕公葬竹子田（山枣坳）艮向墓图，寻找到了好几处山似形同向不同，向同而地形图貌有别，与图局所载难以相恰辨明决断。直到一九九八年广东谭氏宗亲，二〇〇三年湘潭宗亲，二〇〇五年江西宗亲，二〇〇七年茶陵清水宗亲，二〇一二与二〇一四年通谱编辑部工作人员谭运苟、谭永健、谭炳珍、谭剑荣、谭芬仔等宗亲会同尧溪谭氏奕训堂宗亲谭喜初、谭友生、谭祖仔、谭禾苟、谭建平、谭富喜、谭件仔、谭长来、谭美云、谭春华、谭回生等分别逐次陪同各地宗亲到尧水竹木冲松山岭、小田枧背山、严塘甘堂等地寻找可奕公墓地，只有严塘甘堂竹园山、尧水竹木冲松山岭与图局地貌相似，但山向各异有别，小田枧背山地形山向均与图局所在不符，始祖可奕公墓地难以辨明，待后贤继续堪视审实。



大宋鄧州侯公妙宏墓前石塔

墓圖編次上

沛霖塘

屯落邨

東陽山

珠碧塘

人形山

茅澚洲

琥形山

山塘衝

潮九灣

東臺沱

桐梓園

山塘衝各墮

貴子衝

并誌

顏家衝

并誌

担水塘

賈家衝

并誌

謝家衝

并誌

單家園

峽石衝

并誌

和尚崙

開羅臣誌補刊
文家塘圖後

栗古塘

并誌

瑤塘塍

并表一
誌二

德歸亭

并誌

龍潭口

并誌


閣老衝

磐基塘

毛墮崙

并誌


沛霖塘墓圖



右地在東鳳一都大地名皂角埠北岸小地名浦霖塘屋後
脈由仙女山逶迤而來至新硯鋪後特起少祖散下平田過
峽開帳到頭束咽結穴大河前橫左側掛榜山隔江環抱石
壁峭聳關住下手穴前砂水明秀安葬 一派祖考丙公又
安葬 四派祖節公夫婦各堆均係壬山丙向上至下車灣
中至同落村下至陳德灣均屬 丙祖下屯之處

道光壬寅 嗣孫起修率合房敬識

屯落邨墓圖



右地在東鳳一都地名屯落村俗稱樹木衝係遷湘始祖丙
公下屯處也其高坪頭及貓公嘴等處厯葬祖塋多冢後房
內又疊葬百餘棺左右山向各於齒錄名下註明

道光壬寅

嗣孫起修率合房敬誌

東陽山墓圖



右地在本邑東鳳一都下東區東陽山龍由青山寨發脈走東衝坳頓起戰鼓嶺作少祖跌過砂塘坳逶迤曲折轉至東陽山結穴安厝入派祖 祖德公妣黃氏合冢卯山西向兼甲庚有碑公叔祖 孝順公葬山嶺左畔丑山未向是處砂明水秀自大宋至今數百年封冢巍然合族公立永禁進葬各條議約存案

淮房嗣孫敬識

珠碧塘山墓圖



右地在東鳳一都永豐墩珠碧塘右側山龍由白石峯分枝
聳青山寨作老祖金水挺秀盤大峽逶迤曲折起胡椒寨至
寒婆坳渡峽到頭結凭高穴金星開窩安葬 十二派祖考
才卿公暨妣 江淑人扞申山寅向墓下十分公置田山建
立享堂正穴下右砂嘴上葬 十九派祖成麟公兄弟共塋
庚山甲向房內疊葬多冢各於齒錄名下註明

道光壬寅 嗣孫起修率合房敬誌

花橋人形山墓圖



右地在景慶三坊花橋人形山龍由福海山杞梓嶺直奔雲
盤寨左有蕭家衝右有曾家衝兩水界合星巒聳拔到頭成
紫氣木結凭高穴安葬十四派祖連公扞巽山乾向山內
各房疊葬多冢各詳支譜光緒甲申年黼綸濟澤淮各房價
買花橋區公管人形大山下井塘邊屋宇全宅園土等項爲
建立享堂基址碑刊契文捐目稟
憲存案發給印冊經管輪流交接永承勿替

淮房嗣孫敬識


茅 澣 洲 墓 圖



右地在迎恩一坊茅渚洲嘴龍由韶山分枝結縣治梅花格
是地劈縣龍脈走兩頭塘過峽金水相生起鼓崙峯跌下平
田入首束咽結紫氣垂頭穴對面東臺獻秀大河環繞安葬
十四派祖連公之德配段孺人寅山申向道光十年經珠
碧塘祠戶首清理墳冢與黃姓立有批冢認冢字互收

淮房嗣孫敬識

花橋琥山形墓圖



右地在景慶三坊花橋人形山對岸地名琥形山脈由天井
峯作祖金水行龍到頭結太陽金星穴安厝 十五派伯祖
子昇公夫婦合冢乾山巽向 十五派祖子昂公妣楊合冢
庚山甲向又葬 十六派祖淮公居兄濬公側各堆庚山甲
向 十六派祖妣許氏葬居夫旁申山寅向各房疊葬墳塋
光緒乙酉年黼濟潔淮各房價買陳南屏得受左姓售花橋
下碩種灣水田壹拾肆畝屋山塘池等項以作人形琥形二
山祖墓下祭產碑刊契文捐目稟請印冊按分擇殷實老成
經管輪交管理

淮房嗣孫敬識

山塘衝墓圖




嗣孫邦衛繪

右地在東鳳一都下東區山塘衝黑墮山內由青山寨發脈
踴躍奔騰至蕭家坳渡峽陡起胡椒寨到頭結立木垂乳穴
葬十七派 祖考明遠公諱文昉 祖妣錢氏合冢午山子
向有碑墓光緒乙酉 公後裔價買山塘衝墓廬祀田有記
契約歸 時楚公經營輪收

光緒壬辰 墓下嗣孫敬議

潮九灣墓圖



右地在東鳳一都東岸坪潮九灣脈由塔子山踴躍奔騰跌
下平田走大衙口葉家坳到頭東咽結穴圍內葬 太高祖
妣彭癸山丁向後 高祖時楚公暨配周祔母棺右向同夫
左婦右又 叔曾祖潛實公祔母棺右向同圍後葬 曾祖
潛魁公子山午向圍右側琵琶山葬 十八派祖妣賀壬山
丙向又 十九派伯祖政字公祔母塋側同向以上各墓文
界子孫永禁進葬侵犯合同議約互收爲據

道光壬寅 嗣孫起修率合房敬誌

東臺托墓圖



右地在東鳳一都東岸坪小地名東臺沱由塔子山下脈平地起金星結穴一塋兩棺 二十一派祖潛魁公之淑配楊孺人居右 潛實公之淑配 周孺人居左均戌山辰向各碑其墳界左抵致禮關管田右與後抵魏人紗帽坵田前抵致和關管菩薩坵田界內兩房子孫憑眾公立合同永禁進葬侵犯約二紙互執爲據


道光壬寅 魁實兩房子孫合誌

楓樹坪墓圖



圖在一都
下東岸
地名楓樹
坪桐梓園
焦家坪
係屯管地
址週圍均
抵田邊
石爲界
葬祖冢山
向各詳齒
錄格有墓
廣田鴻
柱公裔識

隋 總 墓 圖



右地在東鳳一都下東區三塘衝脈由蕭家坳分枝連走數
節頓起胡椒寨兩邊開大帳包裹中間小地名芋頭墮細墮
大小鑿頭山新塘尾木星鉗黑墮中胸長墮下面梗中松樹
墮古墳墮等處疊葬 祖冢其山向各詳齒錄格下有老據
約

一元公裔敬識

貴子衝墓圖



右地在同風五都保合亭貴子衝舊名費子衝脈由經塘渡
峽到頭成盤龍格翻身願祖結穴安葬 二十二派祖考蒂
厚公扞乾山巽向有碑墓志原 公存潮九灣膳田拾畝公
星壹宅光緒甲申年契買護墳田山建墓廬有記其先後契
約及顏家衝 祖妣葉孺人墓下田山屋宇契據四房輪充
經營收租生息以作四房妥公費費條例均載合同議約永
定規額

致高致中致禮致和四房後裔敬識

蒂厚府君墓誌

顯考譚公諱維富字蒂厚 鴻榜祖第三子也世居湘鄉東
鳳一都東岸坪湖九灣爲塘灣祠譚氏 祖母楊以康熙五
十六年丁酉十一月初二日生公配葉孺人生子二長兆瑛
媳氏郭次兆璧媳氏戴女二一適周籍潭邑一適鍾男孫四
起任起位起信起修女孫三適萬適辜適王於乾隆五十七
年壬子中秋卽世享壽七十五歲越明年癸丑十月旬有一
日葬本邑同風五都費子衝山枕乾向巽是穴也係黃宇春
兄弟出賣契載上下左右穿心肆丈爲界

乾隆五十八年癸丑十月十有一日

男兆瑛兆璧敬誌

顏家衝墓圖



右地在東鳳一都下東區顏家衝脈由青山寨起扁担坳至
柯杈崙跌斷過田峽頓起誥軸土星開大帳中抽水木盤龍
回顧結穴嘉慶十二年丁卯三月初十日寅時安葬 二十
二派祖妣葉孺人扞辰山戌向原關尅丈界同治十年捐置
護墳田山建墓廬所有契據議約歸 蒂厚公裔經營輪收


致高致禮致中致和四房後裔敬識

譚母葉孺人墓誌

嘉慶十二年丁卯三月初十日瑛兄弟扶 先母葉孺人櫬
窀穸湘鄉一都顏家衝山枕辰趾戌初本邑葉公次佑以康
熙六十年辛丑二月二十四日生孺人越乾隆五年歸 先
君子譚公蒂厚以嘉慶八年癸亥二月五日無疾終享壽八
十二歲子二長兆瑛媳郭次兆璧媳戴女二適周適鍾男孫
四起任起位起信起修女孫三適萬適辜適王曾孫家智家
昭家暉家翔家昌家熙家是家暘家齡

男兆瑛兆璧敬誌


厚峯担水塘墓圖



右圖在景慶三坊厚峯衝小地名担水塘右側山內脈從范
鐸峯起三台廉貞作祖穿帳中抽辭樓下殿水木蘆鞭行龍
渡水穿田逶迤屈曲星峯磊落帳幕重重倉庫旗鼓擺列左
右到頭翻身逆勢束咽舉頂回龍望祖作穴安葬顯考 蒂
新公癸山丁向 顯妣周孺人合冢居右子山午向

道光壬寅 男兆慶率姪起承起廬起卓敬誌

賈家衝墓圖



右地在同風五都地名賈家衝脈由白石峯分枝起青山寨
成金水格尊嚴端峙爲一方之望迎送渡脈厯扁担坳金水
火土相間行龍至牛軛坑跌下平岡入首束咽直來橫受結
金星垂乳穴扞庚山甲向安葬 祖考紋佐公 祖妣郭孺
人有契據碑墓誌

道光壬寅

孫家暉率姪聲金敬誌

紋佐公夫婦墓誌

祖考姓譚氏諱兆瑛字紋佐 蒂厚公長子也 母氏葉以
乾隆七年壬戌九月初六酉時生 公世居湘鄉東鳳一都
東岸坪於道光四年甲申十二月二十四戌時沒享壽八十
有四八年戊子四月二十日安葬是穴枕庚向甲淑配 郭
後公生十有六日壽終嘉慶六年辛酉六月初四未時原葬
一都錢家灣以道光十年十二月初一日改葬與夫合冢同
向居右其地係本邑同風五都地名閣老衝丈界有邑人王
光猷出筆契據子三起任起岱起信女二適萬適辜男孫七
家智長媳楊出家暉家是家陽家曉家陶家曜三媳張出曾

孫聲金聲傳聲佳聲倬聲偉聲傑聲依聲仇聲似聲伋聲儒
元孫塋安塋安

道光壬寅冬修墓吉日孫家暉率弟姪敬識

大楓塘謝家衝墓圖



右地在東鳳一都大地名永豐墩小地名大楓塘左側謝家
衝由馬蹄寨分脈金坑渡峽起九節崙至添子山天財正體
右角下脈穿田忽奮起仰天菴雙金合意下脈起土屏開帳
結兩金扛水穴杆乾山巽向安葬 顯考廷超公 顯妣戴
孺人合冢居右同向價買周人丈界有印契

道光壬寅 男起修率姪家昭敬誌

廷超公夫婦墓誌銘

道光七年正月十六日公卒遂嘗望見顏色巖巖然若示人以不可親稍近而和氣婉容隱然流露又如在春風煦日之中噫公蓋有德者也公諱兆璧字廷超姓譚氏 曾祖一正

祖鴻榜 父維富皆多懿行母葉氏以乾隆十三年戊辰二月初二日辰時生公於東鳳一都之潮九灣少明敏克自樹立及壯遇事有識能數言決人是非聞者帖然嘗集本支譜彙成一帙無矜色尤慷慨慕義凡族鄰有倡建者罔不捐貲伙助焉至晚歲遷居楊家坳案花山委家政於男孫耳不聞塵囂足不履閭閻惟日閱古書以自娛及接其議論笑談

悉典雅可聽嗚呼驕奢開淫逸之漸刻薄卽敗壞之原習俗
移人賢者不免而公獨能以勤策身以儉律家以公悅人以
不吝成其美舉以無憂樂其餘年其足風當時傳後世無疑
矣公享年八十以道光十年五月初十日葬本都謝家衝之
陽首乾趾巽德配 戴孺人附其右生於乾隆十四年己巳
八月初二日巳時道光五年五月十三日先卒男二人起位
早逝起修援例授從九職卽 送外舅也女一人適王世斌銘
曰世處南湘潛德幽光先生之後爾熾而昌

邑廩生孫壻許時遂頓首拜撰


單家園墓圖



右地五星行龍起祖正脈土屏中抽辭樓下殿兩旁天乙太
乙拱照中龍磊落星峯穿田渡峽入首起太陽巒頭回龍顧
祖開單股結穴地坐景慶三坊厚峯衝小地名單家園安厝
顯考庭泰公扞亥山已向兼乾巽

道光壬寅 男起承起廡起卓敬誌

峽石衝墓圖



右地在同風五都大地名峽石衝小地名沙泥塘衝脈由白石峯分枝起青山寨渡峽大迎大送頓起扁担坳嘶風馬作少祖到頭開水土帳帳中落脈結太陽垂乳穴扞酉山卯向安葬 祖考致高公 祖妣楊孺人合冢居右同向有碑墓誌

道光壬寅
孫聲金敬誌

致高公夫婦墓誌

祖考譚公諱起任字致高 紋佐公長子也乾隆二十八年
癸未十一月十八日寅時生於東鳳一都栗古塘老屋於道
光元年辛巳六月二十日午時卒得年五十七歲原葬珠碧
塘山擇道光八年戊子四月初八日改葬契買潘榮昌同風
五都峽石衝沙泥塘衝右邊山首酉趾卯其丈界上下左右
各方貳丈德配 楊乾隆二十九年甲申正月二十二日子
時生於嘉慶十七年壬申八月初九日申時卒得年四十九
歲原葬珠碧塘山後隨夫改葬五都合冢同向居右公 曾
祖潛魁公葬一都潮九灣 曾祖妣楊葬一都東臺坵 祖


蒂厚公葬五都契買費子衝山 祖妣氏葉葬一都顏家衝
山 父紋佐公 母氏郭合葬五都閣老衝契買王光猷山
子一來儀葬歸德九都上馬區黑墮中嘴媳易氏女適彭玉
衡孫聲金媳馮氏曾孫埜安埜安

道光二十二年壬寅季冬月修墓

吉日

孫聲金敬誌


和尙崙墓圖



右圖在東鳳一都顏家衝 祖山內和尚崙進葬 起位公
之德配張氏 聲澍公 聲溥公 聲湘之德配李氏 聲
洋公 安埜 安乾 聲鸛之子安舒及女淑貞 孫邦伯
安坤之配張氏 安鍾之配賀氏 安埜之女福貞 安
埜之女瑞雲 以上各墳係照規進葬豎碑山向各詳齒錄
格下

房眾公識

栗古塘墓圖



右地在邑沿河東大地名東岸坪小地名栗古塘脈從白石
峯分枝由仰天湖起青山寨盤大峽歷扁担坳起伏頓跌踴
躍奔騰聳塔子山爲幟旗跌下平岡磊磊落落伏下平田逶
迤迢遞至大衝口束咽結太陽垂乳穴安葬 顯考致禮公
子山午向有碑墓誌

家暉 家是

道光壬寅男


家賜 家曉 敬誌

家駒 家曜

致禮公墓誌

公諱起信字致禮兆瑛公第三子也 大清乾隆四十年乙未閏十月十四日申時生世居湘鄉縣東鳳壹都東岸坪爲縣治側塘灣祠譚氏於道光十六年丙申正月初一日丑時告終享壽六十有一配張生子六長家暉援例授從九職娶周次家是娶鍾三家賜娶王四家曉娶黃五家陶娶李六家曜娶杜男孫十聲傳聲佳聲倬聲偉聲傑聲依聲仇聲似聲伋聲儒擇道光十七年四月初六日葬本都栗古塘契管老屋右側扞子山午向

瑤塘坳墓圖



右地在東鳳一都上東區永豐墩瑤塘坳脈由白石峯分枝
起青山寨盤大峽奮起胡椒寨少祖山走寒婆坳渡日月峽
起觀音山開雲水帳帳中大武金星出脈落平岡數節結飛
鵝展翅形以道光十四年甲午十二月二十七日酉時安葬
祖妣吳太孺人迄道光二十七年丁未秋安葬 祖考致
和公合冢居右均坤山艮向兼未丑有碑墓表各誌尅畱墓
廬田山永遠存公所有老契議約四房輪收

孫聲颺聲鵠聲庠聲揚偕四房兄弟率姪等敬識

皇清例授登仕郎譚公墓表

公姓譚氏諱起修字致和 廷超公諱兆璧次子也 母氏戴以乾隆四十四年己亥正月二十五日亥時生 公 公性嚴毅不戲言不晏起持家尙勤儉邑中有公事慷慨助貲不少吝嘗數言決人是非眾皆帖然尤篤本根急難中扶持寡孤雖瀕死弗悔也道光辛巳董族政先後捐置塘灣祠祀產乙酉歲主建 才卿公墓下祠迄壬寅輯房譜爲一族倡圖塋墓詳傳銘其厯念本源抑何重以周歟 公卒於道光二十七年丁未六月二十八日酉時享壽六十有八遺命葬契管東鳳壹都上東區瑤塘坳山 公德配吳太孺人以乾

隆四十五年庚子正月初九日亥時生道光十三年癸巳九月二十三日申時沒先葬是山懿行詳志銘闕尅墓田屋山塘池同治六年 先輩立四房議約請 上蓋印此所以繼志也嗚呼今距 公沒四十年於茲矣回憶侍坐時望 公雙目炯炯眉長骨稜準隆如截簡然曾日月幾何欲親聆彝訓已不可復得尙不及是時敍其梗概狀其儀容以垂於不朽恐後世子孫將出片語以髣髴 公生平益莫由肖其真也適癸未冬 恩榮 自哈密營次歸 觀光 卽以甲申端月二日集諸昆弟子姪杯酒爲歡商合族中愼固本根至計有必急爲者數大端獨念 恩榮 長 觀光 六月有奇皆相顧鬚髮蒼然

而於公行事大畧可傳示後裔者宜汲汲焉識之而不容諉也
也迺商羣季詳世系里居刻石瘞諸幽復爲之治墓立碑是
也蓋眾兄弟各承 父志踴躍襄事藉憫我 先大_{父母}地下
之靈焉越歲丁亥功竣敬爲文以表諸隧

光緒十三年丁亥 吉月穀旦

甯甘_{補用}縣孫恩榮

候選教諭孫觀光 薰沐敬識 觀光謹書

孫

恩榮

_孫

太學生度安

安銓

_孫

邦彥

觀光

固安 心安

邦達

太學生聲庠

安宅 安占

邦衡

從九職聲鵠

悅安 平安

邦俊

聲圻

新編通志附錄典史

克安

安綸

邦衛

聲閭

太學生安漪

安樞

邦基

從九職聲鸛

恭安

安枚

邦仁

聲坦

員安

安芬

邦孚

邑庠生聲鸞

久安

安忠

聲良

安舒

皇清例授登仕郎譚公墓誌

公諱起修字致和系出塘灣譚氏始祖丙公由茶遷湘世居
東鳳一都歷十二傳 才卿公季子伯誦 誦公子連 連
公孫男八曰 淮公又數傳生 時楚公諱一正者乃公
太高祖也 高祖諱鴻榜 祖諱維富 父諱兆璧母載以
乾隆四十四年己亥正月二十五日亥時生 公於東岸坪
栗古塘舊宅嘉慶丁卯卜居北面樓垂四十年 公行事大
節里閭聲聞祠碑譜帙在在可考道光二十七年丁未六月
二十八日酉時 公卒享壽六十有八葬一都瑤塘坳山首
坤趾艮 公德配吳太孺人居左同向 公長子家熙字嚮

亭媳王氏男孫聲鑾聲贊卽恩榮甘肅補用縣丞聲庠卽順
莊太學生聲清聲閫聲鸞光緒丁丑邑文庠生男曾孫安鏞
安靜安宅安悅克安任疏附縣巡檢安銑安鑫安銓安鍾安
錦安榆安樞安年安典元孫邦廉邦讓邦采邦穀邦焄 公
次子家齡字寶亭媳田氏繼周氏男孫聲颺卽觀光田出恩
貢候選教諭男曾孫安漪卽漣禧初援例授太學生光緒己
丑邑文庠生元孫邦衡邦衛邦翼 公三子家驪字春亭媳
陳氏男孫聲圻聲垣聲良男曾孫安勲安忠 公四子家駿
字霽亭媳李氏男孫聲鵠從九職聲鶚從九職男曾孫安亮
安舒安吉元孫邦疇邦基邦侯邦瓚邦黎邦登 公女一適

許恩貢候選教諭名時遂 公孫曾蕃衍娶婦姓氏不備載
女孫暨女曾孫多適名門不備錄光緒丁亥爲 公治墓樹
表擬刻誌未果越六年壬辰撮世系里居刻石塋諸幽俾他
日溯前徽者得有所考云

光緒 十八年 壬辰 冬仲 吉日 孫 曾 敬 識

譚母吳太孺人墓誌銘

邑廩生 子壻許時遂頓首拜譔

邑廩生嫻愚姪魏萬傑盥手敬書

太孺人姓吳氏本邑故處士吳公維賢長女遂外舅援例授從九職譚公致和先生淑配也以道光十三年癸巳九月二十三日卒距生於乾隆四十五年庚子正月初九日得年五十有四踰年卜兆葬以臘月丁巳首坤趾艮其兆蓋自置本邑壹都瑤塘坳山也今菊秋致和公命諸男忌祭追悼 孺人不已顧遂言曰余自嘉慶丁卯析居北面樓距兄居數里許越三年兄致中卽世姪幼家外多故余力爲搢拄常夜分

不得歸爾外姑攜子女紡績恆達旦不寐余襲先人遺業茹
苦積勤較豐於昔爾外姑實贊之今距葬已八年矣適余以
是年偕兒姪輩纂輯本房譜牒兼欲筮吉修葺其墓爾得毋
一言爲泉下光遂維婦人之賢者曰孝曰順曰勤曰儉 孺
人事舅姑淑慎周詳能得其懽心致和公持家嚴 孺人以
柔道承之雖甚怒能數語慰解與姑姊娣姒接和而有體中
饋必躬親肴核茗醴俱極精潔而自奉則薄裙布釵荆泊如
也舉丈夫子四長嗣家熙與遂嘗同研每負篋就館 孺人
必勉以力學敦行互相切劘言猶在耳於以知 孺人培植
之厚教育之殷其食報於他日正未有艾也子男子家熙娶

王家齡娶田家隴娶陳家駿娶李女一歸

時遂

男孫聲巽聲

颺聲庠聲序聲鵠聲輝聲圻聲闡聲鸚聲垣女孫六銘曰

懿維孺人渤海望系夫性秉剛佐以慈惠課子育孫庭森
蘭桂願茲兆基孔安且遠

道光二十二年


壬寅

季冬上浣

吉日

男孫敬識

歸德亭墓圖



右地在歸德九都大地名上馬衝上馬區小地名黑墮脈由
迎人山火星作祖行數十里頓起上六寨聳獅子山金水下
脈走平岡逶迤曲折到頭結水土垂乳穴右松樹橋左景平
橋二水合襟由石獅港入湘河中間行龍開帳重峯鉅浪極
有奇觀扞丁癸兼午子向安葬 顯考來儀公有碑墓誌契

道光壬寅

男聲金敬誌

清例授登仕郎譚公墓誌


公諱家智字來儀行一世居湘鄉以乾隆四十九年甲辰十月十九日酉時生於五都閣老衝後遷居東鳳一都東岸坪錢家灘以道光十二年壬辰十一月二十六日巳時卒年四十九歲以十五年乙未十月初四日卯時葬歸德九都上馬區上馬塘陳孔殷山內黑墮中嘴之陽首丁趾癸兼午子其地以是年六月二十四日得買曹尙典兄弟審審一穴上下左右共叁丈五尺契載朗然公 曾祖維富葬五都保合亭費子衝黃人山內 曾祖妣氏葉葬一都楊家坳顏家衝堂叔起位關管山內 祖兆瑛 祖妣氏郭合葬五都閣老衝

王光猷牌頭屋左 考起任 妣氏楊合葬五都峽石衝沙
泥塘衝內出衝右邊山腰頂中潘榮昌山內繼母氏丁配氏
易胞妹適彭玉衡男聲金媳馮氏女四長適劉澤隆次適葛
封韶三字劉四字錢孫堃安原名汝安

道光壬子寅

男聲金敬誌

龍潭口毛家衝墓圖



右地在同風五都嶺后區龍潭口毛家衝龍自井壳寨分枝
起三台大帳帳中出脈成天梯龍格束咽起頂穴結正體太
陽右仙弓端坐帳中左右砂夾輔前朝秀峯簇簇明堂寬暢
龜蛇二山爲貴證四水聚會安葬 曾祖妣易太孺人扞未
山丑向兼丁癸 先祖西銘公自知風水不辭勞苦覓此吉
壤以妥先靈囑後人毋得遷改特誌之以垂久遠云

曾孫邦杞邦梓率男姪敬誌

譚母易太安人墓誌銘

例封安人 太親母譚母易太安人 來儀公德配也乾隆
四十九年甲辰十一月十一日午時生同治三年甲子二
月初八日亥時壽終享年八十以同治十三年甲戌十月初十
日未時安葬五都嶺后區龍潭口毛家衝末山丑向其地係
同治五年四月二十日彭江山出售其界址上齊崙頂起量
直下四丈叁尺左右騎崙脊分水爲界 安人生子二長聲
金援例授翰林院待詔職次子殤媳馮氏同治八年八月十
三日未時沒享年六十有三葬九都桐樹頭烏龜塘方塘牌
上巽乾向生女四長適劉次適葛三適樊四適錢孫二長塋

安同治元年 安人眼觀入泮次塋安太學生同治七年七

月初二日辰時去世長孫媳楊氏次孫媳王氏王青年守節

曾孫三長邦杞娶黃次邦梓訂劉出撫塋安爲嗣三邦槐訂

小女時

廟春

告假歸里適 太親母墓成敬敘原委以誌不

朽銘曰懿維安人淑慎溫良刻石紀遐積厚流光

再誌安人 曾祖考蒂厚葬五都費子衝乾巽向 妣氏葉

葬一都顏家衝辰戌向 祖考紋佐 妣氏郭合葬五都閣

老衝庚甲向 翁致高 妣氏楊合葬五都峽石衝沙泥塘

戌辰向 夫主來儀葬九都德歸亭止馬區黑墮中嘴丁癸

向

清同治十三年甲戌孟冬上澣知江西贛州府贛縣事嫻再
姪鄧炳春頓首拜譔

男聲金孫堃安敬立

曾孫邦杞盥手敬書

閣老衝墓圖



右地在同風五都閣老衝脈由白石峯分枝起青山寨尊嚴
端峙迎送渡脈厯扁担坳金水火土相間行龍至牛輓坑過
峽開雲水大帳復起橫三台中抽出脈成木星坦沘穴前有
烏龜嘴餘氣兜收後座雄偉羅城環固安葬 顯考俊明公
扞子山午向兼壬丙尅畱護墳丈界有彭姓書立照批字

男誠濟聲億孫安南安惠敬識

磐基塘圖墓




右地在東鳳一都下東區盤基塘龍由蕭家坳分枝踴躍奔騰至東衝坳跌斷過峽逶迤曲折頓起戰鼓嶺巨門星左旋復起金星抽水木蘆鞭開口結穴兩邊夾照分明後座土屏重重前朝秀麗安葬

顯妣李恭人扞申山寅向兼庚甲

男誠濟聲億孫安南安惠敬識

毛 隋 崙 墓 圖



右地在東鳳一都顏家衝毛隋崙脈由青山寨金水尊嚴盤
迎送峽起扁担坳至枵杈崙跌下穿田過峽頓起金水體成
雲錦大帳中抽金水變換水木入首結太陽仙宮開窩穴兩
水環抱三堂圍聚安葬 顯考漢翔公并未山丑向兼丁癸
有碑墓誌

道光壬寅 男聲河聲瀛聲洸聲法敬誌

譚公漢翔墓誌

顯考譚公諱家翺字漢翔 致中公諱起位次子也母氏張
以嘉慶三年戊午六月十二日巳時生 公厯居湘鄉一都
祖廷超公案合山舊宅後奉母遷居楊家坳配沈生聲河娶
葛聲瀛娶葛聲洸娶沈聲法娶丁女二長字孔次字李道光
二十二年九月初二日辰時公卒得年四十有五歲擇是年
十月二十八日未時安厝本穴枕未向丑兼丁癸三分是地
係一都小地名顏家衝毛垞崙穴山對面卽公 曾祖蒂厚
公德配葉 孺人墓也

男聲河聲瀛聲洸聲法敬誌

清道光二十二年壬寅歲十月二十八日立